


唐書武元衡傳

大槻玄幹自筆

洋学文庫
文庫8
A 292





唐書武元衡傳

庚申三月三日燈下抄并校



武元衡字伯蒼曾祖載德則天皇后之族弟祖平
一有名元衡舉進士累為華原令畿輔鎮軍督將
皆驕橫撓政元衡移疾去德宗欽其才召拜比部
員外郎歲餘遷至右司郎中以詳整任職擢為
御史中丞嘗對延英帝目送之曰是真宰相器順
宗立王叔文使人誘以為黨拒不納俄為山陵儀
仗使監察御史劉禹錫求為判官元衡不與叔文
滋不悅數日改太子右庶子會冊皇太子元衡贊
相太子識之及即位是為憲宗復拜中丞進戶部

侍郎元和二年拜門下侍郎同中書門下平章事兼判戶部事帝素知元衡堅正有守故瞻禮信任異它相浙西李錡求入覲既又稱疾欲賒其期帝問宰相鄭絪絪請聽之元衡曰不可錡自請入朝詔既許之而復不至是可否在錡陛下新即位天下屬耳目錡奸臣得遂其私則威令去矣帝然之遽追錡而錡計窮果反是時蜀新定高崇文為節度不知吏治帝難其代詔元衡檢校吏部尚書兼門下侍郎同平章事為劍南西川節度使錄蕭縣

通鑑曰李師道惡登家
說師道曰天子所以鏡意
誅秦者元衡贊之也請
密往刺之元衡死則它相
不敢主其謀師道以爲然
即資給遣之

伯封臨淮郡公帝御安福門慰遣之崇文去成都盡以金帛帶幕伎樂工巧行蜀幾為元衡至綏靖約束儉已寬民比三年上下完實蠻夷懷歸雅性莊重雖淡接物而開府極一時選八年召還秉政李吉甫李絳數爭事帝前不叶元衡獨持正無所違附帝稱其長者吉甫卒淮蔡用兵帝悉以機政委之王承宗上疏請赦吳元濟使人白事書悖慢不恭元衡叱去承宗怨數上章誣詆未幾入朝出靖安里第夜漏未盡賊乘暗呼曰滅燭射元

通鑑曰賊執元衡馬行十餘步而殺之

衡中肩復擊其左股徒御格鬪不勝皆駭走遂害元衡批顱骨持去邏司傳譟盜殺宰相連十餘里達朝堂百官恟懼未知主名少選馬逸還策中外乃審知是日仗入紫宸門有司以聞帝震驚罷朝生延英見宰相哀慟為再不食贈司徒謚曰忠愍詔金吾府大索或傳言曰無搜賊賊窮必亂又投書於道曰毋急我我先殺汝故吏卒不窮捕兵部侍郎許孟容言於帝曰國相橫尸路隅而盜不獲為朝廷辱帝乃下詔能得賊者賞錢千萬授五

通鑑曰陳中師按獲等具服殺武元衡張戢斬其不逞上不聽張戢斬張等五人殺其堂吏十四人李師道等各竟潛匿亡去


本文脫李字

通鑑云宰相出入加金吾騎去張戢張戢以衛之

品官與賊謀及舍賊能自言者亦賞有不如詔族之積錢東西市以募告者於是左神策將軍王士則左威衛將軍王士平以賊聞捕得張戢等十八人言為承定所遣皆斬之逾月東都防禦使呂元膺執淄青雷邱賊門察訾嘉珍自言始謀殺元衡者會晏先發故藉之以告師道而竊其賞帝密誅之初京師大恐城門加兵誰何其偉狀異服燕趙言者皆驗訊乃遣公卿朝以家奴持兵呵衛宰相則金吾鼓騎導翼每過里門搜索喧譁因詔寅漏

上二刻乃傳點云

42-7208(2)



YII
6